



## ՈՒՂԵՑՈՒՅՑ

**Շիրակի և Գեղարքունիքի մարզերում տրամադրվող  
ենթադրամաշնորհային բաղադրիչ**

Նախագծերը ներկայացնելու վերջնաժամկետը՝ 05/09/2023, ժամը 18:00

# ԵՐԻՏԱՍԱՐԴՆԵՐԸ ՀԱՆՈՒՆ ԲԱՐԵՆՊԱՍՏ ԿԼԻՄԱՅԻ ԾՐԱԳԻՐ

## 1. ԾՐԱԳՐԻ ՆԿԱՐԱԳԻՐ

Կլիմայի ճգնաժամը երեխայի իրավունքների ճգնաժամ է, քանի որ կլիմայի փոփոխությունները և դրա հետևանքները ոչ ոքի վրա այնքան չեն ազդում, որքան երեխաների ու դեռահասների, հատկապես ամենախոցելիների: Աղքատության մեջ ապրող երեխաներն ու դեռահասներն է՛լ ավելի են ենթարկվում արտաքին ցնցումների ազդեցությանը, քանի որ դա հանգեցնում է բազմակի խոցելիության, որոնք պահանջում են համալիր և ինտեգրված լուծումներ:

Սպասվում է, որ Հայաստանի կլիմայի պայմանները կփոխվեն հաջորդ հարյուրամյակի ընթացքում, ուստի կլիմայի փոփոխության մեղմմանն ուղղված գործողությունները և վարքագծի փոփոխությունն անհրաժեշտ է կատարել հիմա: Երեխաները և դեռահասները կարող են և հանդես են գալիս որպես փոփոխության իրականացնողներ ամբողջ աշխարհում:

**Շիրակի և Գեղարքունիքի մարզերում տրամադրվող ենթադրամաշնորհային բաղադրիչն իրականացվում է «Երիտասարդական նախաձեռնությունների կենտրոն» ՀԿ-ի կողմից, ՅՈՒՆԻՍԵՖ-ի հետ համագործակցությամբ՝ «Երիտասարդները հանուն բարենպաստ կլիմայի» ծրագրի շրջանակում:**

«Երիտասարդները հանուն բարենպաստ կլիմայի» ծրագիրը իրականացվում է Ավստրիական զարգացման գործակալության (ԱԶԳ) ֆինանսավորմամբ ՅՈՒՆԻՍԵՖ-ի կողմից՝ ՀՀ շրջակա միջավայրի, տարածքային կառավարման և ենթակառուցվածքների, կրթության, գիտության, մշակույթի և սպորտի նախարարությունների հետ համագործակցությամբ:

Ծրագիրը համակարգվում է խոշորացված համայնքների, մարզպետարանների, դպրոցների, ուսուցիչների և երիտասարդների հետ:

Ծրագրի երկարաժամկետ նպատակն է, որ **դեռահաս աղջիկներն ու տղաները և համայնքները գործողություններ ձեռնարկեն կլիմայի փոփոխության մեղմման, հարմարվողականության, ազդեցության նվազեցման համար՝ կրթության, վաղ ազդարարման, տեղական կառավարման մարմինների հզորացման, մարդկային և ինստիտուցիոնալ կարողությունների զարգացման միջոցով՝ Կայուն զարգացման նպատակներին (ԿԶՆ), ազգային և ԱԶԳ-ի զարգացման առաջնահերթություններին համահունչ:**

Ծրագրի վերջնարդյունքն այն է, որ **դեռահասները դառնան կլիմայի փոփոխության մեղմմանն ուղղված գործողությունների և լուծումների իրականացնողներ, որոնք նպաստում են Հայաստանում սոցիալապես և բնապահպանական կայուն համայնքների ստեղծմանը:**

## 2. ԵՆԹԱԴՐԱՄԱՇՆՈՐՀԻ ՏՐԱՄԱԴՐՄԱՆ ՊԱՅՄԱՆՆԵՐԸ

*Ծրագրի ենթադրամաշնորհային բաղադրիչը կիրականացվի Շիրակի մարզի Արթիկ, Անի, Ախուրյան և Ամասիա համայնքներում՝ ներառելով նշված համայնքների բնակավայրերը:*

*Ծրագրի ենթադրամաշնորհային բաղադրիչը կիրականացվի Գեղարքունիքի մարզի Ճամբարակ, Վարդենիս և Շողակաթ համայնքներում՝ ներառելով նշված համայնքների բնակավայրերը:*

Ծրագրերը պետք է հիմնվեն «Տեղական մակարդակում ռիսկի կառավարման» /ՏՄՌԿ/ մեթոդաբանությամբ գնահատված համայնքի կլիմայական ռիսկերի և համայնքի կողմից ընտրված կլիմայի փոփոխության հարմարվողականության գերակա լուծումների վրա և համահունչ լինի ՀՀ կառավարության կողմից ընդունված «Փարիզյան համաձայնագրի ներքո Հայաստանի Հանրապետության 2021-2030 թվականների ազգային մակարդակով սահմանված գործողությունները հաստատելու մասին»<sup>1</sup> և «Կլիմայի փոփոխության հարմարվողականության ազգային գործողությունների ծրագիրը և 2021-2025 թվականների միջոցառումների ցանկը հաստատելու մասին»<sup>2</sup> որոշումներին:

Համայնքի կողմից ընտրված կլիմայի փոփոխության հարմարվողականության գերակա լուծումները հասանելի են հետևյալ [հղմամբ](#)<sup>3</sup>:

### 2.1. ԵՆԹԱԴՐԱՄԱՇՆՈՐՀԱՌՈՒԻ (ԱՅՍՈՒՀԵՏ՝ ՇՆՈՐՀԱՌՈՒ) ՀԱՄԱՊԱՏԱՍԽԱՆՈՒԹՅՈՒՆԸ

Այս ենթադրամաշնորհին դիմելու համար դիմորդը պետք է լինի.

- ✓ **Բաղադրիչ 1** - այս բաղադրիչով կարող են դիմել **միայն** համայնքային կառավարչական հիմնարկները: Ծրագրերի առաջարկի շուրջ անհրաժեշտ է անցկացնել հանրային քննարկում՝ ապահովելով դեռահասների/երիտասարդների<sup>4</sup> մասնակցությունը, որի վերաբերյալ պետք կազմվի արձանագրություն և այն կցվի հայտադիմումին: Համայնքապետարանները կարող են ներկայացնել նաև համայնքի նախաձեռնող խմբերի կողմից մշակված ծրագրի առաջարկները: Այս դեպքում հայտադիմումին կցվում է նախաձեռնող խմբի ստորագրությունների պաշտոնաթերթիկը՝ համաձայն հավելված 3-ի: Նախաձեռնող խմբի առաջարկով կազմված ծրագրի առաջարկների հանրային քննարկումը պարտադիր չէ: Համայնքները կարող են ներկայացնել առավելագույնը 3 ծրագրային առաջարկ, որոնք կիրականացվեն համայնքի տարբեր բնակավայրերում:
- ✓ **Բաղադրիչ 2** - այս բաղադրիչով կարող են դիմել **միայն** թիրախ համայնքներում գործող միջնակարգ, հիմնական և ավագ դպրոցները, այլ պետական և համայնքային ոչ առևտրային կազմակերպությունները, հասարակական

<sup>1</sup> ՀՀ կառավարության 22 ապրիլի, 2021թ. N 610-Լ որոշում, <https://www.arlis.am/DocumentView.aspx?DocID=151985>

<sup>2</sup> ՀՀ կառավարության 13 մայիսի, 2021թ. N 749-Լ, <https://www.arlis.am/DocumentView.aspx?docID=152612>

<sup>3</sup> Համայնքներում (բնակավայրերում), որտեղ գնահատումը դեռ իրականացված չէ, անհրաժեշտ է հիմնվել հարևան համայնքների գերակա լուծումների վրա՝ հիմնավորելով համապատասխան ռիսկի առկայությունը տվյալ համայնքում:

<sup>4</sup> Ծրագրի շրջանակներում տարիքային շեմ է համարվում 16-30 տարին:

կազմակերպությունները կամ հիմնադրամները, որոնք ունեն առնվազն 2 տարվա պետական գրանցում տվյալ համայնքում (բնակավայրում): Հասարակական կազմակերպությունները և հիմնադրամները ծրագրային հայտին պետք է կցեն նաև վերջին 2 տարվա ընթացքում իրականացրած ծրագրերի մասին տեղեկատվություն, օրինակ՝ պայմանագիր, հաշվետվություն կամ այլ փաստաթղթեր:

## **2.2 ԵՆԹԱԴՐԱՄԱՇՆՈՐՀԱՅԻՆ ՆԱԽԱԳԾԻ ՀԱՄԱՊԱՏԱՍԽԱՆՈՒԹՅՈՒՆԸ**

Ենթադրամաշնորհների համար ներկայացված առաջարկները պետք է ուղղված լինեն համայնքային մակարդակում կլիմայի փոփոխության հարմարվողականությունը՝ նվազեցնելով համայնքի խոցելիությունը կլիմայի փոփոխության անբարենպաստ գործոնների ու ծայրահեղ դրսևորումների նկատմամբ և հնարավորություններ ստեղծելով համայնքային զարգացման, համար: Ծրագրերը կարող են ներառել հետևյալ ոլորտները/թեմաները և նպաստեն երիտասարդների/դեռահասների ներգրավմանը.

- ✓ Գյուղատնտեսություն
- ✓ Մարդու առողջություն
- ✓ Զրային ռեսուրսներ
- ✓ Բնակավայրեր և ենթակառուցվածքներ
- ✓ Էներգետիկա
- ✓ Զբոսաշրջություն
- ✓ Էկոհամակարգեր
- ✓ Շրջակա միջավայրի պահպանություն
- ✓ Կրթություն
- ✓ Երիտասարդություն
- ✓ Մշակույթ և սպորտ
- ✓ Տեղական ինքնակառավարմանը բնակիչների մասնակցություն

Ծրագրերը պետք է հիմնվեն «Տեղական մակարդակում ռիսկի կառավարման» /ՏՄՌԿ/ մեթոդաբանությամբ գնահատված համայնքի կլիմայական ռիսկերի և համայնքի կողմից ընտրված կլիմայի փոփոխության հարմարվողականության գերակա լուծումների վրա: Այն ծրագրերը որոնք իրականացվելու են թիրախ համայնքներում և որոնց համար նման գնահատում դեռ չի իրականացվել անհրաժեշտ է հիմնվել ՀՀ կառավարության կողմից ընդունված «Փարիզյան համաձայնագրի ներքո Հայաստանի Հանրապետության 2021-2030 թվականների ազգային մակարդակով սահմանված գործողությունները հաստատելու մասին» և «Կլիմայի փոփոխության հարմարվողականության ազգային գործողությունների ծրագիրը և 2021-2025 թվականների միջոցառումների ցանկը հաստատելու մասին» որոշումների կամ հարևան համայնքների գերակա լուծումների վրա՝ հիմնավորելով համապատասխան կլիմայի փոփոխության ռիսկի առկայությունը տվյալ համայնքում:

Առաջնահերթություն կտրվեն երիտասարդների կողմից /մասնակցությամբ ներկայացված ծրագրերին: Ծրագրերը պետք է ներառեն երիտասարդների հետ խորհրդակցություն:

## 2.3 ՏԵՎՈՂՈՒԹՅՈՒՆԸ

Ծրագրի իրականացման մեկնարկը կտրվի 2023թ.-ի սեպտեմբերին: Նախագծերի իրականացումը և վերջնական հաշվետվության տրամադրման ժամանակը չի կարող գերազանցել 2 (երկուս) ամիսը (մինչև 2023թ.-ի նոյեմբերի 15):

## 2.4 ՇՆՈՐՀԱՏՈՒԻ ԿՈՂՄԻՑ ՏՐԱՄԱԴՐՎՈՂ ՖԻՆԱՆՍԱԿԱՆ ՄԻՋՈՑՆԵՐԻ ՉԱՓԸ

ՅՈՒՆԻՍԵՖ-ի կողմից յուրաքանչյուր ծրագրին կհատկացվի առավելագույնը 3,390,000 դրամ (երեք միլիոն երեք հարյուր ինսուն հազար դրամ) չգերազանցող գումար: Խրախուսվում է համայնքների և կազմակերպությունների կողմից ծրագրերի համաֆինանսավորումը մինչև 10% չափով: Համաֆինանսավորում կդիտարկվի ինչպես ֆինանսական, այնպես էլ ոչ-ֆինանսական ներդրումները:

## 2.6 ՏԵՍԱՆԵԼԻՈՒԹՅՈՒՆ

Շնորհառուն պետք է ձեռնարկի բոլոր հնարավոր քայլերը հրապարակելու համար այն փաստը, որ ծրագիրը ֆինանսավորվել է Ավստրիական զարգացման գործակալության կողմից և իրականացվում է Երիտասարդական նախաձեռնությունների կենտրոն ՀԿ-ի և ՅՈՒՆԻՍԵՖ-ի կողմից՝ ՀՀ շրջակա միջավայրի, տարածքային կառավարման և ենթակառուցվածքների, կրթության, գիտության, մշակույթի և սպորտի նախարարությունների հետ համագործակցությամբ: Տեսանելիության նյութերը պետք է նախապես համաձայնեցվեն ՅՈՒՆԻՍԵՖ-ի և գործընկեր կազմակերպությունների հետ:

## 2.7 ՆԱԽՆԱԿԱՆ ԳՈՐԾՈՂՈՒԹՅՈՒՆՆԵՐ

Դրամաշնորհային մրցույթի մասին հայտարարությունը կգետեղվի գործընկեր կազմակերպությունների պաշտոնական կայքում: Այն կշրջանառվի նաև այդ կազմակերպությունների կողմից գործաձվող այլ տեղեկատվական խողովակներով: Հայտատուներն իրենց ծրագրային առաջարկները պետք է ներկայացնեն՝ տրամադրված ձևանմուշի համաձայն:

Հայտատուները կարող են դիմել հայտարարության մեջ նշված կազմակերպությանը պարզաբանումների համար: Հարցերը պետք է ուղղվեն գրավոր հայտարարություն նշված վեջնաժամկետից ոչ ուշ քան 3 օր առաջ: Ավելի ուշ ներկայացված հարցերին պատասխաններ չեն տրվի:

### 2.7.1 ԱՆՀՐԱԺԵՇՏ ՓԱՍՏԱԹՂԹԵՐԻ ՓԱԹԵԹ ՈՒ ՆԵՐԿԱՅԱՑՄԱՆ ԿԱՐԳ

**Հայտադիմումի համար անհրաժեշտ փաստաթղթերի ամբողջական փաթեթը ներառում է.**

1. Հայտատուի մասին համառոտ տվյալներ  
**Բաղադրիչ 1-ով հայտատու կազմակերպությունների դեպքում**
  - ✓ Համայնքի ղեկավարի կողմից ստորագրված և կնքված ուղեկցող նամակ

- ✓ Հանրային քննարկման վերաբերյալ արձանագրություն *(եթե ծրագրի նախաձեռնողը և իրականացնողը համայնքապետարան է)*
- ✓ Ստորագրությունների պաշտոնաթերթիկ՝ ստորագրված աշխատանքային խմբի յուրաքանչյուր անդամի կողմից *(եթե ծրագիրը առաջարկել է և իրականացվելու նախաձեռնող խմբի կողմից)*

**Բաղադրիչ 2-ով հայտատու կազմակերպությունների դեպքում**

- ✓ Կազմակերպության կանոնադրություն,
- ✓ Գրանցման վկայական,
- ✓ Նախկինում իրականացված ծրագրերի մասին համառոտ տեղեկություն (Դպրոցների պարագայում պարտադիր չէ)

2. Ծրագրի մանրամասն նկարագրություն <sup>5</sup>

3. Մանրամասն, տող առ տող բյուջե հիմնավորումներով <sup>6</sup>

**2.7.2. ԲՅՈՒՋԵ ԵՎ ԾԱԽՍԵՐ**

Հայտատուի կողմից ներկայացվող նախագծի բյուջեն պետք է ներառի բոլոր հնարավոր ծախսերը: Ենթադրամաշնորհի բյուջեի հաստատումից ու կողմերի միջև պայմանագրի ստորագրումից հետո ծրագրի ծախսերի իրականացումը պետք է խստորեն հապատասխանի նախապես հաստատված բյուջեին: Բյուջեի ծախսային տողերի ցանկացած փոփոխություն, որը կազմում է ընդհանուր արժեքի մինչև 10%-ը, կարող է կատարվել Շնորհառուի կողմից՝ առանց Շնորհատուին նախապես ծանուցելու, պայմանով, որ այդ տողի գերաճախսը չի հանգեցնի համախառն բյուջի փոփոխության: Բյուջետային տողերի ընդհանուր արժեքի 10%-ը գերազանցող փոփոխությունները պետք է հաստատվի Երիտասարդական նախաձեռնությունների կենտրոն» ՀԿ-ի կողմից:

Այսպիսով, հայտատուի շահերից է բխում ներկայացնել իրատեսական և ծախսարդյունավետ բյուջե: Բյուջեի ծախսի յուրաքանչյուր տողի անհրաժեշտությունը պետք է հիմնավորվի հայտի նկարագրության մեջ:

Ենթադրամաշնորհի հաստատումից առաջ կատարված որևէ ծախս չի կարող դիտարկվել որպես ծրագրային ծախս և ներառվել բյուջեում:

Ենթադրամաշնորհի շրջանակներում ընդունելի են գործառնական և ծրագրային ծախսեր: Այդուհանդերձ, պետք է հաշվի առնել հետևյալը.

**Անընդունելի ծախսեր**

Նշյալ ծախսերը համարվում են անընդունելի

- Պարտքեր, վարկեր, վարկային ծառայության ծախսեր,
- Վնասների փոխհատուցում կամ հնարավոր ապագա պարտավորություններ,
- Փոխառությունները և վարկերը երրորդ կողմին,

<sup>5</sup> Հայտի ձև տես Հավելված 1.

<sup>6</sup> Բյուջեի ձևը տես Հավելված 2ա՝ համայնքապետարանների համար և Հավելված 2բ՝ հասարակական կազմակերպությունների ՀՈԱԿ/ՊՈԱԿ-ների և այլ կազմակերպությունների համար.

### 3. ՀԱՅՏԱԴԻՄՈՒՄՆԵՐԻ ՆԵՐԿԱՅԱՑՈՒՄ

#### Ընդհանուր պահանջներ

Հայտերը պետք է ներկայացվեն Շնորհատուի կողմից հրապարակված ուղենիշների և ձևաթղթերի հիման վրա:<sup>7</sup>

Հայտերը պետք է ներկայացվեն հայերեն:

Անաչառ գնահատում ապահովելու համար բոլոր պահանջվող փաստաթղթերը պետք է ներկայացվեն մեկ փաթեթով՝ հիմնական հայտի հետ միասին:

Ձեռագիր հայտերը չեն դիտարկվի:

#### 3.1. ՈՐՏԵՂ ԵՎ ԻՆՉՊԵՍ ՆԵՐԿԱՅԱՑՆԵԼ ՀԱՅՏԸ

Հայտադիմումը բաղկացած է երեք մասից՝ 1) Հայտատուի մասին համառոտ տվյալներից, 2) Ենթադրամաշնորհային նախագծի հայտից, 3) Նախագծի մանրամասն բյուջեից:

Հայտադիմումների էլեկտրոնային տարբերակները բոլոր անհրաժեշտ փաստաթղթերով պետք է ներկայացվեն ուղարկելով [climategrants@yic.am](mailto:climategrants@yic.am) հասցեին: Նամակի վերնագրում պետք է նշված լինի հետևյալ տեղեկությունը՝ «**Երիտասարդները հանուն բարենպաստ կլիմայի**» ենթադրամաշնորհի հայտ և հայտատուի անունը:

**Հայտատուն պետք է ապահովի հայտադիմումի համապատասխանությունը պահանջներին և ամբողջականությունը: Ոչ ամբողջական հայտերը կմերժվեն:**

#### 3.3. ՀԱՅՏԵՐԻ ՆԵՐԿԱՅԱՑՄԱՆ ՎԵՐՋՆԱԺԱՄԿԵՏԸ

Հայտերի ընդունման վերջնաժամկետը 2023թ-ի սեպտեմբերի 5-ը՝ ժամը 18:00-ն է:

Վերջնաժամկետից հետո ներկայացված հայտադիմումները չեն ընդունվի:

---

<sup>7</sup> Ձևանմուշները կցվում են:

#### 4. ՀԱՅՏԵՐԻ ԳՆԱՀԱՏՈՒՄԸ ԵՎ ԸՆՏՐՈՒԹՅՈՒՆԸ

Սահմանված ժամկետներում և ամբողջական հայտերը կգնահատվեն փորձագիտական թիմի կողմից հիմք ընդունելով հետևյալ չափանիշները

Չափանիշ	Score
<b>Հայտի ադմինիստրատիվ ստուգում</b>	<b>10</b>
Որքանով է ամբողջական կազմված հայտը, և որքանով են բավարարված ուղեցույցում նշված բոլոր պահանջները	10
<b>Ֆինանսական և գործառնական կարողություններ</b>	<b>15</b>
Հայտատուի՝ նմանատիպ ծրագրերի իրականացման կարողությունները և հմտությունները (գնահատվում է հայտատուի կողմից ներկայացված տեղեկատվության և փաստաթղթերի հիման վրա)	5
Առկա են արդյոք սեփական ներդրում և/կամ ծրագրի կայունությունն ապահովելու համար անհրաժեշտ միջոցները (գնահատվում է հայտատուի կողմից ներկայացված աջակցող փաստաթղթերի կամ ծրագրային առաջարկի հիման վրա)	10
<b>Նախագծի համապատասխանությունը</b>	<b>55</b>
Որքանով են առաջարկվող գործողությունները համապատասխանում և անմիջականորեն առնչվում ծրագրի նպատակներին և թիրախային համայնքներին	10
Նախագծի ազդեցությունը և կենսունակությունը	10
Ծրագրի էկո ուղղվածությունը և շրջակա միջավայրի վրա ազդեցությանը	10
Նախագծի նորարարությունը	10
Երիտասարդարդյունքների մասնակցությունը	15
<b>Նախագծի բյուջեն և ծախսարդյունավետությունը</b>	<b>20</b>
Որքանով են գործողություններն արտացոլված բյուջեում, ծրագրային և գործառնական ծախսերի հարաբերակցությունը:	10
Որքանով են համաչափ ակնկալվող արդյունքները (մասնակիցներ, ներգրավված համայնքներ, ազդեցություն, կայունություն) և նախատեսվող ծախսերը:	10

Նախագծերը փորձագետների կողմից գնահատվելուց հետո, նախագծերը կհաստատվեն ծրագրի կառավարման խորհրդի կողմից՝ հաշվի առնելով ստացված գնահատականները, տարածաշրջանների համամասնական ընդգրկվածությունը, համայնքներում նմանատիպ ծրագրերը և այլ գործոններ:



## 5. ՈՒՂՂՈՐԴԻՉ ԺԱՄԱՆԱԿԱՑՈՒՅՑ

ԳՈՐԾՈՂՈՒԹՅՈՒՆ	ԱՄՍԱԹԻՎ
1. Ենթադրամաշնորհի մասին հայտարարության տարածում	Օգոստոսի 15, 2023թ.
2. Հայտերի ներկայացման վերջնաժամկետ	Սեպտեմբերի 5, 2023թ.
3. Ծրագրերի ընտրություն	Սեպտեմբերի 15, 2023թ.
4. Ծրագրերի մեկնարկ	Սեպտեմբերի 25 2023թ.

\* Ծրագիրը խրախուսում է շրջակա միջավայրի վրա բացասական ազդեցության նվազեցմանը միտված և պատասխանատու գործողությունները և ծրագրերը: